

Slår alarm om vegstubben

21.09.2011



Reaksjonene er sterke fordi kommunen har lagt på is i tolvte time planen om å lage gong- og sykkelveg no ved sida av vegstubben mellom busslomma og skuleområdet. Difor har styreleiar i Aktivitetshuset Bjøn Olav Tveit innkalla til pressekonferanse i morgon ettermiddag, Der vil dei stille mann- og kvinnesterke frå Uskedalen Utvikling, FAU, Aktivitetshuset og idrettslaget.

- Vi slår alarm fordi planane er i ferd med å bli lagde på is under ein månad etter at alle ordførarkandidatane sat i huset og omtala kommunens økonomi som svært god, seier Tveit.

Han slår fast at kommunen no er i ferd med å skusla bort ein unik sjanse til å få orden på den trafikkfarlege vegstubben. Vegen er ikkje stort breiare enn ein personbil og her ferdast mjuke og' harde trafikantar i uskjønn disharmoni frå tidleg om morgenen til langt utpå kvelden, påpeikar Tveit.

-No skal denne vegen gravast opp i samband med vatn- og avlaup og hadde planar om utviding med ein gangveg. Så langt hadde ein tenkt heilt rett og bygda som er kjent for å ordne det meste sjølv såg fram til å bli tilgodesett med litt trafiksikring, skriv Tveit i innbydinga si til pressekonferansen.

På bildet over, teke inn mot skulen, er skulen slutt for stutt tid sidan. Gangvegen skule gått til venstre for gjerdet.

Tekst og foto: Ola Matti Mathisen